

湖南通志人物目錄

岳州府

巴陵縣

龔承宣	李德明	楊爲棟	許伯泰
黃秀	黃文瑗	方顯	方桂
方應清	方應元	鄧堅	費應泰
李仕清	劉德傑	張發桃	熊道階
許伯政	鄧圭	藍大鴻	趙佳材
葉時敘	劉伯宗	彭應徵	郭士類
趙登模	黃升	彭世瑛	張矩
方聯甲	唐伊盛	彭昌運	杜宏泰 子
方功鉞	方鈺	汪吉士	汪佳士
向序	林文竹	方望	龔立海
何錦雲	方宗朝	方崇鈞	李鏡瀛
方大瀄	方捷昌	吳建德	程銘璜
徐承照	毛貴銘	黃鎔	杜煌
吳敏樹	吳士邁	龔顯章	張垚
鍾謙鈞	謝維藩	劉定泰	李春沂
李樹英	龔揚麻	楊玉輝	蔡增良
龔顯行	唐耀邦	李隆文	楊望緒

盧同益	徐清盛	方聯泰	周德麟
李品魁	李治績	廖景象	阮淵王
李承昉			
平江縣			
彭其位	陳煥宣	鍾正章	李營之
鍾崇憲	江子儀	單國成	吳尊三
周之翊	余希遠	彭昌鳳	吳嗣龍
蘇世陞	童先佐	吳尙遇	余恆
李不羈	方文輝	朱慶旦	向曾賢 弟季賢
何拔人	余有勳	鍾聖芳	周承芳
李自芳	童桂	周承恭	余德壩
李鳳	黃德觀 子益	余遠驥	張瓊昭
潘興祚	李成德	單朝詔	童先及
向阮賢	吳先煥	余遠驥	鍾仰德
李傳敏	李昌邁	湛遠發	鍾顯英
凌星曜	陳楷	李介純 弟聯英	
吳佳樞	余士鏡	李漢章	王家傑
凌恆祺	李積經	袁文光	李陔華
丁步賢	何臨亨	余家珍	唐國華
李燕	李原潛 兄原溥		黃錫宇

吳國安 何忠駿 童梅華 楊志伊

李炳 賴迎春李昭發等四十人 李傳琛弟傳倫劉道南

李家純 傳謙 彭斯舉 吳蓋臣

謝德發彭璵英等十五人 朱汝霖張文炳 彭兆梨

張時雨李紹易允成等六人 向錫朋

張德傑黃世隆等三人 余榜緒唐蓬意等四人

陳立夫李衍邱自南等六人 黃查

張介眉張陽點等十三人 陳廷尙 邱光輝

辜高鳳吳仁學等十七人 樊齡熙劉清香 李佑厚

毛繼緒唐福星等十一人 黃華翰 張得連

張詩奇 劉再祥李昭明等五人 胡錦芳陳奇鳳等二十三人

李傳明向含章等十一人 尹忠順 朱交朋徐清文等八人

劉台山余翰香等四人 劉立和趙萬寶等十九人 湛其英

張可達 劉連陞方訓和等七人 向桂馥

朱集義 何忠駿何敬格等三人

姜卓行嚴廣德等二十人 黃俊傑彭謙德等五人

盧才華 張文藻 喻定魁余進德等四十六人

胡海萬楊維賢等四人 王紹俊李科光等四人

李聲鐸 黃騰芳張明勝等十三人 戴萬勝喻何喜戴富魁

李正 朱樹德

李傳孝 賀接華

艾興建李獻臣等六人

邱福興朱堯爾等二人

方訓庭陳大章等二人

鄧選廷楊崇才等八人

彭嘉玉 林慶雲

李船育艾緒南等十人

彭傳升彭爻三

李元愉方森鍾茂

臨湘縣

沈以曦 何一獻

李日躋 余作綬

吳泰勳 易坤元

張若齡子琦琬 范養甲

魏聯淇 余景先

周朝亨 姚文先

廖士志 喻三合

丁其瑞 張蛟

謝伊祖 向重湘

劉繼善 彭樹屏

劉昌毓鍾錫錫等四人

唐鏡涵嚴應發等二人

朱永和喻作孚等二人

周漢清李三 方忠興

張績成陳煥然等二人

凌默發 李福星

鍾聲和方書吉等四人

賴準發張見 喻輝彩

余昌祖 余之宰

方同照 張士純

張家彪 彭德謙

楊雲春 張能伋

方大嶽 姚世迎

方顏 譔正光

李載謨 楊雄

劉國環 廖敦仁

沈昌掄子定 饒亮文子繼惠

李明玖 李進元

劉乙燃 子敏	孫祺	唐志邁	王先昇	譙中翼	蔡之芳	徐永錫	侯定一	蔡述謨	劉昌廷	黎大觀	張召華	華容縣	楊桂朝	吳治均	柳朝現	朱逢源	張清岳 弟清吉	蘇秋芳	戴煥文
熊紹庚	張廷彥	嚴先熙	陳德	蕭成韻	王祚封	程大宗	嚴克任	張德履	丁永祺	孫祐岐	張奎祥		李樹桂	彭默	田期鐸 田蒙	王槐植 子佑生	沈定河	鄭其魁	
白人虎	蔡邦彥	萬年醅	張德安	張琳	李大章	潘楷	程斑	劉德尊	周慶增	吳堂	蔡良璟		嚴黼章	范逢聖	沈定楨	余求儀 余求	李儲新	吳治璋	
劉福星	劉雙緣	徐光鼎	陳霞	蔡光清	高以永	白兼	丁大松	周克遵 弟克達克	張呈祥	劉學坦	張瓊		花國枚	丁如圭 余求	余展萬 尹奉于	尹起美	吳泰來	楊貴寶	

金仁美	朱世棟	張廷珩	萬年松	吳肇傑	曾敏道	陳楚英	賀立廷	李其泰	高克敏	陳遠謀	孫奉	黎孝枝 兄材棟	侯三錫	嚴平章
涂南鐸	曹志廉	鄧啟旦	丁永發	白芳	嚴正典	嚴正規	何學涵	陳國寶	張家鏊	常炳	林鳳竹	孫枝	孫枝	
張傳新	李世楨	袁德敏	鄧金秀	蔡岳承	王師喬	張性	張欽安	丁家模	張庚堂	程元音	吳良玉	張鳳祥	張士舞	
張先法	黃本源	袁永修	萬年懋	張健	陳士仁	白隆宇	李璧聯	方文遠	張永相	張克模	嚴立銘 子	蔡述詩	李孔儒 子光	

湖南通志卷一百九十一

人物志三十二

國朝十七

岳州府

巴陵縣

龔承宣字來旬由歲貢歷知廣宗縣修學建倉置廣濟橋清慎自矢漳河水決漂民廬舍承宣捐貲築東城間自是水不為患及歸縣人遮道送之志

李德明字瑞毓由吏材授贛州府照磨康熙十三年吳逆陷石城尋克復檄德明攝縣事增築城陴屢有戰功擒斬偽將陳益賊復率眾來攻德明力卻之志

楊為械字其若康熙丙戌進士知山陰縣縣俗多藉命圖財為械申明律令俗漸變修築馬鞍山丈五村海墘民免水患以莊

養歸再補馬平縣致仕志

許伯泰字魯瞻諸生康熙中父聖行客長沙病疫伯泰奔侍湯藥驚冀以驗瘥劇父少愈母復病疫於家伯泰覓得方藥兼程馳歸值水漲溺死是夜其母猶夢伯泰以藥飲之乾隆四年

黃秀字實庵康熙辛丑進士選庶吉士年已六十餘矣明年上冀羣臣六十以上者於乾清宮秀與周敏館授編修充洎

河方略政治典訓兩館纂修改山東道監察御史協理山西道事上推廣 皇仁一疏條陳振卹隄防諸大政計數千言致仕歸卒年九十志

黃文瑗字學遷秀子雍正癸卯舉人歷知巴東枝江襄陽諸縣所至有廉明聲譽陽東城外隄久圯每春夏漲溢輒漂沒廬舍

文瑗捐貲率民修築長三里餘民自是免水患志

方顯字周謨康熙末由貢生任湘鄉教諭擢塔城知縣縣蓮花山產銀羣不逞聚為患顯設法解散之雍正初舉賢員超授鎮

遠知府值那儼捐俸煮糜活民數萬民立碑頌德弗許總督鄂爾泰奇其才檄理九股各苗顯詣同曉譬投誠者十餘萬戶投

貴東道總理苗務平公錫難右等寨並請建城清水江以資控制尋陞貴州按察使仍兼理苗務九股合拱為諸苗出入要地

率 命與總兵營新城而墨引羊翁等苗不利之結果攻擾顯設奇焚其兩寨苗益大至圍六十九日糧盡宰馬以食眾請潰

圍出顯曰台拱關係新臺台拱失守則古州清江諸寨皆煽動矣况苟免失臣節脫奔損 國威脫不濟有死之耳於是人入

感奮已而援兵至圍解因乘勢攻洗番招大小台雄各寨上善後事宜制府俱見施行在任清釐積案廣順州民胡某等以枉

繫獄爰書已定顯察其冤豁死刑四人乾隆三年擢四川布政使尋陞巡撫金川雜谷等土司相仇殺諭以威德皆懾服罷兵

值楚粵邊苗不靖調任廣西至則平服建城安營以次就理尋以病乞歸 命太醫院選員馳驛往治且聽其或駐廣西或歸本籍所遣太醫相隨診視歸里病益篤六年十月卒同治十年入祀鄉賢祠志

方桂字蘭友顯子雍正壬子舉人隨顯效力苗疆以軍功授英德知縣縣俗好鬪桂導使知禮讓善聽斷摘伏如神累擢臨安知府再補鞏昌調蘭州時慶陽平涼災飢殍載道桂請振未至因截留部撥過境成工銀三十萬兩先行散給擢甯紹台道兼管海關嚴禁苛索尋以事被議謫戍伊犁戍滿回籍子應綸浙江鹽運使志

方應清桂子由例貢知榆林縣縣界蒙古凡交涉之案例與旗員會訊應清秉公決讞皆悅服邊地多沙漠開有水田苦無灌溉具應清募南匠製桔槔數十分給之田賴有秋以組捕功擢朔平知府所屬甯遠廳為察哈爾王公牧廠時與內地民訐訟應清親履丈量分別升科訟端遂息再擢雁平道邊牆守口弁兵多縱盜越盜蒙古馬應清躬巡諸口請易守弁增防兵自是無盜者以終養歸卒於家志

方應元字首善援例授建昌同知累擢惠潮嘉道左遷潮州知府政尚嚴明澄河漁者半盜捕得置之法民賴以安弟應時濱州知州應達紹興同知應恆漳州知府子宗敬舉人知宜春縣

鄧堅字介夫雍正癸卯舉人從征九股苗軍功授建甯知縣罷官後卜居大雲山麓藏書萬卷以著述自娛志 費應泰字二交雍正乙卯選拔充 武英殿纂修館閣中成器其才識敘授瀘溪教諭告歸主講虎溪白鹿兩書院多所成就

子志學乾隆癸未進士歷任上元常熟崑山知縣俱有政聲志 李仕清字婉兮乾隆甲戌進士知嘉定縣屢校鄉闈所得多知名士縣號多訟仕清剖決無枉運餉滇南以積勞卒於官志 劉德傑字南一乾隆辛酉鄉舉授房縣知縣操守潔清歷署漢陽同知均州知州所至有青天之稱父艱服闋再補原缺卒於任房人爭輓以詩設主祀之志

張發桃字晉原乾隆己卯舉人知天台縣調黃巖明察善聽訟鄭獄有疑者皆委讞定發桃屢有平反民不稱冤志 熊道階字雙村乾隆壬申進士累官甯明知州所至有廉介聲

許伯政字惠棠乾隆壬戌進士授彭縣知縣有惠政值金川用兵籌辦軍需民樂供命擢邵甯歷山東道御史致仕志 鄧圭字璧如雍正元年拔貢生七年以薦舉知南召縣事歷任繁劇著有能聲時李衛為總督獨委任焉屢議卓薦尋以疾卒

藍大鴻字于木單心經義雍正甲辰舉人絕意仕進以訓課爲

事著有四書講義

志舊

趙佳材字喬宇康熙間逆賊吳世璠踞岳州運餉自雲貴下沅

江佳材以布衣獻策大軍請伐君山竹木塞洞庭水口策行賊

遂困遁去佳材從軍勦雲南以功授貴州思南知府數歲以老

歸年八十三卒

志舊

葉時敘字銓林康熙辛卯舉人官丹稜知縣子弟不令隨任居

官以不擾民爲主堂懸一鉦令民欲訟者擊之聞聲卽爲申

理役隸持票傳致訟者量道里遠近硃書給草履錢若干於票

尾令不得多索在任九年去之日民攀轅追送有泣者

志舊

劉伯宗字泰嚴以選拔官行唐知縣廉明有聲士民祠祀之

志舊

彭應徵字鳴珂乾隆甲午舉人官靈山知縣操守廉在任六年

以疾歸行李蕭然貧如諸生時

志舊

郭士頌字榮傳乾隆庚子舉人歷官靖邊羅州涇縣城固寶雞

等州縣官城固最久察除水利積弊去縣日士民餞送四十里

不絕士頌曉律令工聽斷著有懷刑摘錄行世

志舊

趙登模字士範官浙江布政司理問歷溫衢二郡丞倅溫郡海

防隄圯捐廉繕修以母老乞歸捐設城陵義渡督學錢澧爲

之記

志舊

黃升字論三少孤貧母羅氏苦節教讀學問淹博乾隆丁卯舉

人知來鳳縣升未官時教學最久著四書講義學者字之

志舊

彭世瑛字修五勤敏嗜學爲文下筆立就乾隆戊午舉人五經

第一一日夜成二十五藝俱錄進呈未上公車卒子應銓歲

貢生亦刻意詩古文詞

志舊

張矩乾隆乙卯舉人官未陽訓導教學者必先治生通知稼穡

之務不一意於科名官祿然後可以爲學著述見藝文

志舊

方聯甲字木橋別號蓬萊子應清子也附貢生議敘府同知好

爲集句詩隨父宦遊秦晉往來邊塞爲塞上吟集唐三百首又

著唐詩韻集六十四卷

志舊

唐伊盛字闕田乾隆丙子舉人官潞浦訓導纂輯癸亥縣志著

有詩文集

志舊

彭昌運字岸山嘉慶己未進士知廣昌縣有兩姓爭山訟經數

十年積牘盈兩几昌運甫下車窮晝夜閱之一訊立剖眾大服

奸民聚黨數千將爲亂昌運募勇直抵其巢擒其酋誅之以功

擢廣信同知開河利民事詳鉛山

志舊

杜宏泰字東軒嘉慶辛酉舉人官弋陽贛縣知縣自爲諸生有

文名及官有治聲坐累罷家居猶儒素風子棠字召亭嘉慶丙

子舉人官大甯知縣不用幕佐治之久益無事民安其政嘗懷

仁應州岳陽聞喜補永和代理隰州皆有聲在聞喜日巡道馮

德馨過縣從隸援傳舍棠管之德馨怒已聞其治行乃謝之後

德馨巡撫湖南通岳州值衆家居與相見甚驩某後復官大廩卒於任志縣

方功鉞字左卿嘉慶庚辰進士歷官浦江蕭山改德化南洋漳平龍巖等州縣在官勤治事遇重案初審即分別細研之不以刑求輒得情實曰人常略初審緩之則訟師教供書差授意犯人才校真情不出矣且重刑得者皆誣服也在德化獲盜魁二同官擢其功不與較官俸養親外分周親族家不置一產工文章分校浙閩鄉闈皆得士志縣

方鉞字美堂雁平道應清之保也幼聘張氏女得奇疾及并益甚婦家請廢婚使別娶鉞曰人有疾而棄之不仁已既聘而背之不義彼劉庭式何人哉吾不肯作負心事也卒娶之張有叔德舉子五先卒鉞誓不續娶嘉慶丙子舉鄉試大挑用教職署攸縣教諭補零陵訓導父憂歸奉母不復出主講岳陽書院勸於訓迪足不輕履守宰庭初伯兄功鉞以進士令浙江二親樂家居迎養弗就鉞力任養親事功鉞歲寄俸廉具甘旨其父母輒以給貧妻鉞陰典衣以繼之不令知也有僕自浙返匿所寄二百金詭稱丹稭某地家人以其地水淺無覆舟理請鳴諸官鉞曰漲豈無驟發時耶陽怒僕斥使避去後數年僕歸出金贖產人以爲言鉞曰吾兩老人固不欲彰僕惡也長子大濤以進士官兵部卒於京邸鉞恐傷老母心誠家人弗泄時或僞作子

書恩母越五年母年八十有八將卒始泣告之且引罪焉主講席時邑子某與人訟知鉞貧甚又爲令所重暮夜袖三百金爲壽乞言於令鉞嚴拒之語諸子曰士人如白衣不可使有點污也尋署嘉禾教諭未久歸卒年六十二得志縣 曾祀鄉賢祠子大濤自有傳大提出嗣世父功鉞由增生從軍官至山西布政使孫朝渠舉人官戶部郎中志縣

汪吉士字諱卿嘉慶己卯舉人署樂會知縣樂會居海上習靡惡有花會場羣少年聚賭輸贏動萬計破業者多邑以多盜吉士嚴禁賭場盜亦衰止補翁源旋卒喪歸不能葬友人張成洛陳金始葬焉志縣

汪佳士字作堂嘉慶辛酉舉人署河池州知州補修仁柳城平樂縣參嶺南兩同知在河池有那里草地漢獐交牧爭訟久不決佳士丈量分劃案遂定修仁柳城地少文學二百年無人登鄉舉皆爲修書院嚴課厚廩兩縣士始有中武者直柳民謝恩榮誣獄韋氏女許陳三元粵商賄奪之召韋使以女與陳給銀成禮禁民以婦人供役家故貧遺產十畝推與兩弟在官不名

一錢志縣

向序字耐庵嘉慶壬戌進士官寶慶教授著有四書講義林文竹字虛亭嘉慶壬戌進士選庶吉士改廣昌知縣屢主江南各書院著有四書講義行於世志縣

方望字再亭嘉慶戊辰副榜博學多通精天文歷算之學善禹貢水道考異所撰桃源縣志稟經範史一洗蕪陋之習縣志

魏立海字雲濤歲貢生工詩書及袁枚之門而不效其體南城會煥客之所著詩草爲時所稱縣志

何錦雲字浣溪廬貢生試官長沙訓導改福建通判歷知順昌福州縣事石馬興糧通判治官事如家纖悉畢舉而深悉民情平處咸得其意在順昌民以其生日演戲家懸燈書官清民樂之字年六十自免歸集同志於鹿角湖上建敦善堂爲施棺救生事全活者多縣志

方宗朝字桐鄉道光壬午舉人工爲文試藝能準先正之法會試三次取膺錄而不成進士學者爭師之官東安教諭保舉知縣以世亂不就年七十復就選得安定縣未上官卒於京邸宗朝亦好爲詩有桐鄉集縣志

方宗鈞字蕤卿道光丙戌進士歷官戶部郎中會口外奸民詭計攘奪民業以開墾爲名因勢要上其事於部時相貪其說將許之宗鈞力言不可乃止及出守歸德成皇帝召對面諭曰開墾一事汝能爲國家存大體行當內用汝矣在任五年調開封署鹽茶道未半年大水米翔貴大吏令出榜減價平糶宗鈞不可聽商自爲價不十日米船叢集價頓減旋以河決被議歸咸豐中湖南措軍餉宗鈞任辦郡屬捐輸奏請復官不復出精

顏氏楷法日有常課著述詳藝文縣志

李鏡瀛原名載訢字穀親道光戊子舉人官密雲知縣歷登通判居官廉儉治事勤暇與諸生講文古北口提督陳金綬師禮之聽其講著有四書講義縣志

方大濶字稼軒鉅子道光癸巳進士授兵部主事考取軍機章京好學能文章年二十鄉舉所爲文爲其長老讀書能其說集有近人四書說號通義詩初用傳箋既而悔之復從朱傳既通籍有志天下事從兵部吏繪取天下地圖行省各一大幅註其地必詳年三十卒縣志

方捷昌字新莊歲貢生少時躬治稼圃以事其親夜讀書常達曉爲文盛有名督學將以優行貢成均以奉母不能遠出辭兄卒一子及婦皆早死遺兩孤孫捷昌鞠成之嘗著醒心錄及養正訓蒙編學政錢禮有方新莊傳孫竹字君山歲貢生少喪母晚歲與門弟子言之猶涕泣有遺產推以與兄而身以教讀爲生既兄益貴時時給之爲兄子娶婦好近思錄小學書出入必由之著書甚多一日盡焚其稿曰是無出於古人且懼吾言之不踐也卒年八十四縣志

吳達德字研田候選按察司照磨自少專意宋五子之學扁表其言使出入見之事繼母待異母弟弟婦廢居者及家子弟親族少長無不得其歡心鄉鄰有爭事往卽立解與人語隨所及

教說人多化服之歲祿嘗散所積穀萬石手鈔經史自鋤種菜果課傭田教子孫讀書爲善人不以進取望年七十一卒上元

梅曾亮表其墓

縣志

程銘璜字日新縣學生好學有文名友人以白金八兩定爲童子師他家三其俸爭之卒不往府試首列聞父病不卒試後又試府得首舉焉

縣志

徐承照字宮月縣諸生孝弟聞於一鄉家僅中貲縮衣節食以其贏爲行善資專葺祖祠爲義田二百畝以贍族貧及爲義塾教子弟鄰人以負錢酬亟勸解之償其負貸穀者用衣被質之還穀乃得質會歲不登至冬寒還者尙少乃徧召質者令以衣被去穀未還者緩之已而令已還未盡者並以其穀去未還者盡舍之遂捐其穀千餘石

縣志

毛貴銘原名文翰字西垣八歲能詩稱奇童道光丁酉拔貢庚子順天舉人客遊授徒歷關東西秦黔中東萊皆有詩年四十

九卒詩集出人爭重之

縣志

黃鎔字秋士道光乙酉順天副榜貢生官安鄉教諭才思敏捷詩文立就攸陳圭主講岳陽鎔與布衣余昌穀俱從爲詩昌穀字耕石尤善書畫居郡中籍隸臨湘吳敏樹有郡中三詩人傳謂龔雲濤及秋士耕石也

縣志

杜煌字星如道光壬辰舉人爲文夙有名鄉舉後遽卒年二十

八世皆惜之子貴堉同治丁卯舉人

縣志

吳敏樹字南屏達德子生有至性弟蚤世撫其孤子逾所生道光壬辰舉人官瀏陽訓導以不能行其志自免歸少與同縣毛貴銘同治詩而各不相似其治古文尤有名客京師與上元梅曾亮臨桂朱琦仁和邵懿辰馬平王拯瑞安孫衣言湘鄉曾國藩講古文經學及國藩督兩江敏樹東遊從國藩閱武徧歷各郡相唱和尋獨遊杭紹乃歸著述詳藝文志

縣志

吳士邁字巽行少孤事母孝奉寡嫂恭讓讀書不爲科舉學以贊爲中書母老失明遂不入官居母喪一依古禮鹿角向有敦善堂收斂浮屍施棺木兄舉人土選與通判何錦雲所創置也士邁復與何氏推廣之爲救生船局規畫精詳獨費其家萬緡家歲捐田穀二百餘石族之鰥寡婚喪皆有給子弟無業者多成就之咸豐二年粵賊犯長沙湖北巡撫常大澂奏令士邁招募水軍禦之上游乃以千人斷守土星港口時人心不固賊至軍潰士邁大恨益講求古兵法出遊江南北覬覦形勢謁諸大帥無相知者將終隱君山閩浙總督左宗棠招之辭不往已而念土星港之負往焉會宗棠移營陝甘勦回賊士邁與之期曰卽幸有功不足償前負必無保我官及三水之捷奏加員外郎賞戴花翎後又加四品銜卒不敢用其冠服焉年六十卒於泰安軍次後經宗棠疏請將事跡宣付史館

允之

縣志

龔顯章字雲浦咸豐二年進士授吏部主事多藝能工書善琴兼明醫理算術時算學方盛顯章公事暇常握算坐思欲有所論著未就而卒

縣志

張珪字笏臣歲貢生考充八旗教習授辰州府學訓導轉新化教諭性端重坐不偏倚不喜嬉遊有文學工書晚喜趙孟頫道敦碑而惜其文悖於正教乃集其字爲內自省銘摹趙書行之

縣志

鍾謙鈞字雲卿少讀書不遇援例以從九品試用湖北咸豐元年署沔陽鍋底司巡檢三年調署沔陽州同駐新隄時武漢皆陷賊新隄一隅稱完善市肆轉盛於曩時謙鈞畢力治團練游勇奸民無敢逞乃出私財招難民沿江上下構葺廬居之勸辦牙帖貨釐巡撫胡林翼參山之潰退屯陸口餉金軍械皆取給新隄六年母憂歸葬畢林翼疏請鑒經視事時宜昌之平善壩創設過江釐局檄謙鈞往奸商出力相難謙鈞不爲動事卒以濟十年調辦省城糧臺餉餉不絕府保施南府同知賞戴花翎記名知府同治元年補漢陽知府治糧臺如故二年始蒞任加鹽運使銜漢口天下巨鎮無城障可倚粵寇屢踞擾捻匪尤涎之謙鈞勘議築城估值十餘萬金爲忌者所尼乃集紳商諭以利害皆惟命閏二年工竣而捻匪逼漢口距漢四十里以城守嚴不敢近也方江甯未克時大江南北婦女多流徙

兵間或爲健兒所得劫之南上謙鈞設局漢鎮遮其不願隨往者許親故來贖或爲擇良配保全不下千人立局之始勇洵洵欲爲變謙鈞嚴兵以待誅一二人而事定四年調署武昌府時江北遭捻踰野無青草又遭水災饑民麇集謙鈞罄俸錢倡賑分設粥廠結臺寮以棲老病全活數萬人修復晴用書院鑄資助膏火尋署漢黃德道監督江漢關通中外交涉事壹以理折之江督曾國藩論其賢檄辦漢口淮鹽局八年特旨除兩粵鹽運使嶺南素侈靡運司至鹽商盛供張謙鈞乘小舟乍至杯勺不濡使署陳設華煥悉罷之歲裁陋規數萬金在粵四年未嘗一張燈置酒召客調俸金數萬重刻十三經注疏通志堂經解書板皆存粵燬二萬二千金供荊坡書院經費燬千金入馬山書院聞湖北水災郵寄九千金助賑恤又以前設育嬰堂敬節堂水退當修葺復籌金寄焉以籌辦陝捐出力詔加按察使銜十年燬萬金助天津賑得旨賞二品頂戴兼署廣東按察使日夜治獄臚不少休以勞疾乞歸抵家而卒年七十謙鈞淡於世味已去官聞直隸水災甘肅奇荒猶報燬四萬金佐賑呈明不邀議敘請免人告在本籍葺文廟建芳棚購常平倉穀築七里山塔修復城南萬年橋共費金三萬有奇又燬四千金爲邑中寶興費其餘救生義船義塾不能畢數也身後大學士左宗棠疏陳治行請宣付史館得旨著將事蹟咨送

國史信立傳以昭激勵而漢陽府士民亦呈請從祀名宦祠子銘廩生官陝西補用道

縣志

謝維藩字磨伯父繼渠僑居於秦維藩幼敏悟讀書過目不忘初尙氣節習任俠既冠讀宋五子書悚然曰道在是矣因折節向學長安盧桂輪潛心關學維藩事以師禮或詠笑之不顧也咸豐乙卯以寄籍皋蘭舉陝甘鄉試同治壬戌成進士選庶吉士母憂歸左宗棠嘗師入關知其賢聘入軍中維藩知無不言多所毗贊屢欲特疏薦之皆峻辭恥以墨經博進取也宗棠不能強服闋入都授編修改歸本籍嘗南上疏言 浞國當罷其大婚繁費請節用以振饑民語多激切 上優詔答之庚午充廣東副考官正使王祖培中道卒維藩獨任鑑衡所取多名宿既畢事爲祖培謀歸櫬并以例贖所得分致其家癸酉提督山西學政廣陽自飭宿弊一清閱文期拔真才刊小學數萬本散給諸生勸以躬行聞芮城貢生薛子英究心理學辟致官垣築講堂以居之特疏於 朝得 旨賞國子監學正銜又屢疏言邊事皆 留中維藩亦不以疏稿示人雖密友不使知曰吾不敢以直諫沽名也每以時事多艱外侮逼處爲憂談次聲淚俱下光緒丙子任滿還 京行臺嶠然越歲 畿輔大饑道殣相望維藩集同志設粥廠十餘所親往散振日往來冰雪中徒步數十里懷胡餅數枚以自啖積勞遺疾遂不起年四十有五

順天府尹奏其事 詔以生平善行載入本籍志業以垂不朽

其數也維藩天性忠孝未達時聞 文宗升遐嘗焚香中庭北面拜哭腰繫編帶百日事母孝善伺顏色百計奉甘旨母或不憚則長跪請罪必俟其意解乃已母沒事其姊維謹姊有言無敢稍拂也足跡半天下所至窮幽絕險或訪枯骨尋羽士煮菹藷爲食飄飄然有出世意親族之貧者竭力扶助不吝推解以故身後無一塊之殖居 京師每冬必釀金製寒衣數百領以拊窶人又與儀徵陳彝捐立敬節會素工詩由昌黎以入少陵所著雪青閣詩集四卷其友陸襄鉞爲哀輶行世 劉定泰字階平道光壬午武科舉人累官威甯鎮標中軍遊擊咸豐元年帶兵征粵逆於象州羅秀村陣亡照參將例 賜卹子世職入祀忠義祠

縣志

李春沂庠生咸豐二年冬粵逆犯岳州巴陵士賊晏仲武率黨從逆春沂執其黨趙興權殺之晏賊旋破投六品服四年郡城再陷士賊餘黨楊敬之復熾春沂練鄉團被賊執罵而死

聞照九品例 賜卹世襲雲騎尉祀忠義祠

縣志

李樹英從九銜居茅田咸豐初粵逆屢踞通城茅田當賊衝李氏倡團練禦賊縣人咸從之五年三月二十七日戰於通城之花涼亭團勇潰樹英鳴鼓不已賊殺之照陣亡例議 卹從祀忠義祠

縣志

龔揚麻字海門湖北試用從九品同治六年署長江埠巡檢死

搶賊之難 郵贈鹽運司知事銜世襲雲騎尉袁忠

楊玉輝字蘊山咸豐中從曾國藩勦粵逆有功署太平知府補

廣德知州居官勤敏有政聲縣志

蔡增良性至孝母沒廬墓三年哭泣之哀終喪猶如初端午日

折艾插墓前艾復生人以爲孝感縣志

龔顯行兄弟二人友愛甚至弟早死顯行痛之日夜常哭泣撫

弟孤子如子提抱之不以離女亦如女弟婦感其義數十年不

求分異顯行能文不遇有響山賦傳於世縣志

唐耀邦性孝友繼叔後叔病侍疾不入私室者二年後叔舉子

耀邦薄取田廬餘財悉讓弟弟家中落復推解周卹之人稱有

薛包之風卒年七十縣志

李隆文農家子也性至孝父死於除夕家貧歲饑無以爲祭儀

隆文時年十六後終身除夕不茹葷母病兩次刲股療之及母

卒葬遇大雪不及掩土隆文臥穴側雪中里人憐而爲之廬居

廬中三年族眾頌其門曰宗族稱孝縣志

楊望緒父文蔚患沈疴望緒日夜泣禱密封左股以進父病卽

愈縣志

盧同益母病刲股合藥以進母病尋已縣志

徐清盛監生性孝親老朔望必焚香告天願減己算益親待香

燼乃起父母病刲股療之縣志

方聯泰字石雲應綸子以吏目揀發河南咸豐二年河南巡撫

令解餉赴粵時賊已逾黃沙河犯永州四川提督劉長清駐

師道州長清與聯泰同邑雅故雷同守城聯泰遂從事軍戎提

督向榮督辦江南軍務檄聯泰治四川糧臺擢通判五年補陝

州通判未赴聯泰在大營常轉運軍火中途遇賊竭力護衛被

傷致病六年三月卒於軍年四十 賞加知府銜廕次子功甫

入監以州判卽用縣志

周德麟藍翎候補把總咸豐六年賊圍咸甯德麟與把總唐明

率三百人敗之旋擒先鋒賊程學立王大賁等十餘人斬之以

率勇出不意殺賊中賊鎗死從優議 卹如例縣志

李治魁外委咸豐八年攻賊於黃安中礮殞命議 卹如例縣志

李治續字樹英援例授從九職嘗與從兄舉人李緒捐萬金募

募子弟千人爲練勇團防賴以安堵咸豐四年賊犯通城治續

率團勇且戰且走急解佩刀付左右曰速逃歸報我陣亡也事

聞 卹如例縣志

廖景象諸生嘗出賃倡立救嬰會所活無算道光己酉歲饑出

廩穀贖族里稱貸以足之家遂中落咸豐五年賊陷武昌巡撫

胡林翼率師討賊聞其名招致幕下累功保同知加運同銜克

復黃安麻城以知府遇缺卽選尋卒於家

袁忠錄

阮淵玉道光己酉舉人揀選知縣武陵教諭咸豐五年賊由通

城竄逼縣境淵玉募勇扼要堵剿賊退越二日賊大股闌入出

不意至宅執淵玉淵玉大罵不屈立遭慘死祖母李氏年九十

五因救孫罵賊遇害一門殉義者男婦十六人

袁忠錄

李承昉字時鑑諸生咸豐五年賊踞通城承昉督團勇越省會

剿與賊戰於花涼亭力絀死之從祀岳州昭忠祠

袁忠錄

平江縣

彭其位字俟叟諸生有學行嘗客湖南布政使趙城所雍正九

年奉旨發帑金二十萬修洞庭柁桿洲趙城令其位一手經

理工竣無絲毫舛誤并節省四萬金父母喪皆廬墓三年服闋

徧遊鄒魯閩洛訪先聖賢遺跡負二親木主與俱從弟貧割已

產畀之且爲之完娶族黨咸稱之

趙善

徐煥宣康熙五十五年縣大水漂民田廬煥宣於高阜聚糧振

救日數百人復業乃已院司皆旌其閭

府志

鍾正章字漢雯康熙己卯舉人工琴兼精楷法晚益究心瀛洛

諸書著述甚富

高書志

李嵩之字百艱慷慨有謀略綏遠將軍蔡毓榮耳其名延至幕

府削平滇黔嵩之謀居多凱還擬奏授官力辭乃厚贈以歸見

親族貧乏者周之隨手散盡以老病卒生平縱遊天下名山有

遊記十卷詳藝文

志

鍾宗憲字度鄉諸生事父母以孝聞父歿哀毀備極廬墓三年

母歿亦如之

志

江子儀康熙五十三年歲饑出穀數百石以振嘗遇盜叔姪爭

死盜義而兩釋之

志

單國成事繼母以孝聞值寇至負母遠竄趾皆裂其妻亦勤於

奉養爲姑所鍾愛年三十妻喪國成以母故終身不再娶雍正

十一年旌

志

吳尊三嘗捐修縣南石橋築大隍陂三十丈犂羊牯路三十

里乾隆二年知縣景士鳳舉鄉飲介賓以禮之

志

周之瑚字禹彝由附貢知柳城縣縣梅崗多巨盜率土兵追捕

之歷任莆田萬泉蕪湖仁和修武諸縣所至民有去思

縣志

余希遠嘗建義塾捐膏火延師訓課遠近來學者多所成就生

平施棺計萬九百六十具並捐地與資助其埋葬乾隆十八年

歲大饑出穀數百石助振巡撫范時綬旌其門

縣志

彭昌鳳字碧梧乾隆甲子舉人言動以禮爲生徒視書雖盛暑

必正衣冠主講岳陽書院多所成就二十九年知縣宋兆元據

縣人呈請附祀九君子祠

縣志

吳嗣龍字雲卿貢生性孝友父病湯藥必躬親及歿廬墓三年

母三事之如一撫異母弟若同胞好施濟前後修橋渡計費不

下數萬金嘉慶十七年 旌志縣

蘇世陞性孝友好施濟年二十三喪妻誓不再娶其後子孫衣

冠稱盛人以爲厚德之報 志舊

童先佐字近望父母歿皆廬墓三年妻早逝遂不再娶閭里稱

其孝義 志舊

吳尙遇字達才監生甫五歲失恃事繼母能得歡心父歿廬墓

三年 志舊

余恆字受益父文發以好義樂施稱恆由諸生授衛千總職嘗

襄修學宮捐修橋渡及助振焚券計費數千金子遠驥官同知

遠驥遠驥自有傳 志縣

李不壽字南山監生喜施子鄰里有稱貸者弗稍吝嘗獨力建

修崇聖祠生平所修橋渡及寺宇共費數千金臨歿取借券不

能償者悉焚之 志舊

方文輝字敬庵居家孝友喜施子鄰里有稱貸者弗稍吝隨筆

籍記題曰萬石版臨終命其子允文等焚之概不責償允文亦

喜振濟有父風 志縣

朱慶巨字明齋乾隆丁巳進士篤學工詩古文而所撰四書文

尤澄心渺慮深入理境丙寅謁選卒於都門同鄉尙書彭維新

羅源漢等深惜之爲刻其遺集 志舊

向曾賢字魯齋乾隆乙卯進士官國子監學錄其學以宋五子

爲宗衣冠言動皆有典則爲日錄每日讀某書行某事接某人

悉書以自考戊戌儀倡同人煮粥振己巳大疫施藥月餘死者

棺瘞之父憂歸未一月以毀卒年四十九武陵趙慎軫序其文

謂平生所以師之者以其輓心植行志在不朽足以肩斯道非

徒斤斤文藝之末也著述詳藝文入祀鄉賢祠弟季賢字升甫

道光壬午舉人長沙府學教授子貴鐸字曉渠嘉慶己卯舉人

沅州府學教授並能傳其學 志舊

何拔人康熙初謁武當山徒步往返二千餘里爲父母祈壽父

儀尊壽至九十三家有田三百畝諸弟多子拔人僅一子及析

產受田宅止十之一卒年八十三 志舊

余有勳字退園援例爲甯武府同知憂歸起順慶府同知擢韶

州府知府始至郡大旱雨隨禱下禁私宰有牛突入堂皇若投

懇狀跡之則自屠肆逸出者也益嚴其禁俗遂革三護道篆所

至以息事甯人爲務遷廣西右江道兩署按察使讞決悉當嘉

慶四年調雲南迤西道緬甯夷叛治總糧臺事平有欲冒銷餉

銀十餘萬者有勳不可其人大愧服因事解官卒年八十二 志舊

鍾聖芳字潤川少穎異健於文甫踰冠舉乾隆丁卯鄉試官樂

昌知縣署連平德慶二州知州以經術飾吏治民安之 志舊

周承芳字級蘭援例授湖州府通判權樂清知縣有能聲遷白

州府同知 高宗兩次南巡恭辦 大差屢拜貂皮文綺荷囊

之賜憂歸起衡州府同知擢慶陽府知府踰年解任回籍以壽終

李自芳

李自芳字錦林縣學生治家嚴肅尚樸勤好周貧乏妻兄余某兄弟二貢且老迎主其家數十年生養死葬復爲其子娶婦生平持古道婦孺皆重其名卒年八十有三

贈一品階

童桂字瑞林乾隆辛卯舉人署武緣縣事尋署百色同知尙苗時出殺掠設方略擒斬之盜悉平東蘭州地處極邊竊重令長多物故獨桂任三年無恙上吏令再署三年及補北流竟卒於東蘭

周承禧

周承禧字肅堂援例以知府發貴州修文縣民婦控妾謀殺家長讖且定承恭覆訊察屍格知爲陽脫而死白其冤水城銷礦產日絀而課額貽累承檄履勘減其額署平越直隸州事嚴保甲緝劫盜訪治訟棍每下鄉夫役費皆自給奉檄治漢苗爭山獄山周數百里爭輒鬪殺訟數十年屢京控承恭裏糧周歷具得其要領勒石定界案遂結外嫗歸以養母不復出卒年八十有一

贈一品階

余德壻字崇如援例以縣丞發湖北署鄖陽府經歷以能鳴騶署鄖陽知縣川匪稱亂擾楚境奉檄辦團防民皆樂爲之用邑以安堵內艱歸哀毀廬墓以父老告養父沒遂不再出爲族長數十年家範嚴肅族里相戒爲非恥爲其所聞也年七十二卒

子士鏡自有傳

李鳳

李鳳字天翼母余病劇鳳禱於神剖股和藥以進病遂瘳性好學與同邑彭其位爲道誼交雍正元年詔舉山林隱逸知縣楊世芳擬特薦固辭卒年八十有五世同堂

黃德

黃德觀字鑑堂嘉慶辛酉拔貢由教習以知縣發陝西署華陰縣事有婦訴其夫被人勒斃無主名輟至夜半有大蜘蛛絲下旋轉婦膝前因問與朱姓師姓者有無來往婦記去年有鐵工師全仁至其家拘之一訊即伏獲死者衣物於其家未幾有無名男子溺斃傷痕被體方勘驗聞犬銜屍骸疾走尾之至渡船旁大怒若鳴冤狀拘訊之則死者因博負賴債被渡夫毆斃投之水中以滅迹也去華陰數年後有某甲與某乙爲兒女親家甲報乙家被人殺死三命莫知其由臺檄德觀往勘甫訊甲即自承殺乙蓋甲調乙婦婦怒誓之且以告乙遂罹此禍詰其何以不待刑求則曰公非昔年審蜘蛛案之黃爺耶我不敢欺神明也嘗奉檄勘南陝應疑獄中途訪獲謀殺十命之逃犯黃茂盛獄懸兩載矣至是獲正犯士民快之歷署洛川中部高陵南鄭城固三原等縣邠州直隸州所至修書院葺考舍輯志乘而折獄尤有神明稱卒於永壽縣任

贈一品階子益杰字子山增生入貢爲巡檢發湖北補枝江之江口司粵寇亂作以圖練功擢縣丞

賞戴藍翎巡撫胡林翼才之檄調從軍治文案